

第三九七冊

明倫彙編

閩媛典

閩淑部

閩孝部

(卷)

二五—三

三一—七

古今圖書集成

中華書局影印



古今圖書集成

中華書局影印

欽定古今圖書集成明倫彙編閩媛典

第二十五卷目錄

閩媛部列傳二

明一

馬大德妻王氏	武維藩妻楊氏
索一貫妻趙氏	王顯祖妻谷氏
白圭母郭氏	白圭繼室孟氏
李宗理妻汪氏	姆師范氏
陳陸章妻譚氏	白應甲妻陳氏
童釋卿妻羅氏	毛彥清妻葉氏
李宗長側室陳氏	蔡女官
姚振玉妻陸氏	呂九思妻俞氏
王伯壘妻張氏	吳叙茲妻溫氏
金湖妻余氏	陳邦達妻冷氏
王一光妻俞氏	張員妻徐氏
馮蘭妻解氏	臨泉王妃邊氏
程珣妻侯氏	曹尚賓妻趙氏
李琰妻邊氏	王之繡妻楊氏
王國禎妻宋氏	王紉妻崔氏
孟養素妻吳氏	倪岳妻盧氏
余泰元妻胡氏	何鎮寧妻陳氏
劉寬繼室童氏	胡瓚母武氏
崇莊王妃成氏	劉澄印妻張氏
陳維垣妻焦氏	劉常吉妻龍氏
楊中正妻陳氏	陳說模妻李氏
秋星祥妻白氏	陳獻策妻史氏
謝孚妻馮氏	張灝妻薛氏



汪之廣妻常氏	李開來妻樊氏
鄭壽妻胡氏	朱允光妻李氏
鄭讓妻李氏	王俊妻沈氏
嚴大紀妻高氏	李志學妻高氏姊妹
趙榮妻金氏	倪隆妻薛德
王禮娘	章秀娘
鄭恭王妃王氏	程世昌繼室蘇氏
高昇妻王氏	楊潤妻齊氏
孟齊卿妻郭氏	韓灼妻許氏
葉元善妻陶氏	余懋衡妻江氏
王賢繼妻李氏	李養廉妻馬氏
劉尚卿妻孫氏	黃槐妻鄭氏
張蘭繼妻施氏	杜豐妻王氏
侯于甸妻霍氏	冷逢泰妻葉氏
車以遵母羅氏	王用衡妻羅氏
李在常妻吳氏	王茂妻劉氏
吳頴妻盧氏	游泰亨繼室汪氏
游應乾妻張氏	

閩媛典第二十五卷
閩媛部列傳三

明一

馬大德妻王氏

按畿輔通志王氏馬大德妻未平人有淑問及卒有司旌曰賢德可嘉

武維藩妻楊氏

按永清縣志楊氏訓導武維藩妻侍舅姑寒暑不忘相夫勞苦備嘗和能課子飲水持家人稱賢婦

索一貫妻趙氏

按永清縣志趙氏廩生索一貫妻刑部其昌之妹性嚴而氣和無成而有終仁壽之資純靜之品近世所罕觀

王顯祖妻谷氏

按永平府志谷氏王顯祖妻生而聰穎端重才德皆出入右幼失恃即能代父主家事及歸王不以世胄女傲夫家執婦道惟謹事孀姑十餘年無情容相夫訓子讀書守正事伯兄伯姆恭敬盡禮無異翁姑疾病扶持竭力調護同居四十餘年略無嫌隙撫孤姪同己子御下寬恕教子孫以和順勤儉處外內戚黨胥黨恩義奄逝日遠近悲悼如失怙恃淑範足法懿訓可垂夫顯祖為貢士子基文傑孫欽銓鎮鈞曾孫德溥德洪俱成名父子祖孫書香繼美皆谷母孝慈所致卒年七十有二有司表其門

白圭母郭氏

按南宮縣志郭氏白圭母性端重言動容止為親戚望及歸白值洪武時南北兵爭民艱於食郭恆采草木食以自充預儲甘旨以奉舅姑流離之際舅姑不失甘飽先意承志無違言恆訓其子圭曰人子之孝莫大於顯親力學績文匪為虛名必須建功立業造福蒼生得為良臣斯可為孝子圭謹受教後登進士居官所在有聲位極人臣功名垂於竹帛皆夫人貽教也

白圭繼室孟氏

按南宮縣志孟氏白圭繼室鉞之母也性端靜寡言笑年十八適圭撫前夫人所出子女不啻己生圭任

陝西按察副使孟氏從於官鄉人有為屬縣令者駁
圭出按事以重幣來孟曰公素勵清操豈宜有此必
妄也執却之及圭轉浙江布政使公廩鄰織染局局
夫盜緋綠羅數十匹色絨數十斤不得出擲之牆外
家人取以告孟立命歸於官每以隨夫宦邸不得奉
侍舅姑為不樂歲時裁衣致遠必躬自縫紉方物嘉
味非速壞者未寄不敢先嘗其篤孝如此常曰人家
子弟所為不善其母多為庇護不聞於父則子之惡
日縱而不可治故諸子有過必告主懲之不少寬假
其遇諸婦九有禮法侍立終日無敢失容凡中饋之
事皆使親執其勞雖居京師日躬事蠶績曰諸婦皆
出自貴家吾將使其知成之不易庶幾能儉約也後
累受恩命屢朝慈懿皇太后被賜賚圭先有軍功當
廢疾革遺命草書陳情或以孟所生子為言曰鎮非
吾出實居長不可易卒以鎮名奏及圭卒後諸子家
京師十餘年食逾千指內外肅然夫居將相子女皆
貴內外姻婭之盛一時鮮儷而諸婦女無敢驕佚孟
氏之教也

李宗理妻汪氏

按貴溪縣志汪氏李宗理妻年十七歸李克盡婦道
洪武間宗理以公事誅謫逮至京下獄汪匍匐赴許
遂得釋旋為宗理置二妾生五子科名奕世年九十
有七直指王增祐為作賢婦傳

姆師范氏

按臨江府志范氏清江人梓之孫博通經史洪武間
名為女史授孺人為官中姆師一日高后問前代何
后最賢家法何代最正對曰唯趙宋諸后多賢家法

最正命錄進更聽之誦凡降內制多范為定詔賜歸
老于家

陳陸章妻譚氏

按高安縣志譚氏諸生陳陸章妻新建孝廉譚守中
之女也孝事舅姑善課子孫每遇歲荒出粟賑饑四
子俱列膠庠壽六十四終人稱賢母

白應甲妻陳氏

按江寧府志陳氏江寧白應甲妻二子夢鼎夢籍皆
名士氏事繼姑如母嫁姑女如已女相夫教子克盡
其道撫族孫外孫之孤無依者成立鼎籍以公論忤
貴人羅致于獄母怡然曰吾子范滂流也吾寧不為
滂母乎絕無慍色會國變得釋晚年伯子以明經選
仲子舉于鄉母無喜色惟奉佛修善訓諸孫以讀書
明理而已年八十四無疾而終女適王姓年二十夫
歿歸侍母三十餘年

童釋卿妻羅氏

按杭州府志羅氏童賢母寧海童處士釋卿妻也羅
為縣舊族賢母少喪親奉養端厚有識度年十三歸
童氏時處士之祖母高年而父母皆老賢母事之孝
敬雍順治產業事女工甚得婦道舅姑喜家事一任
之祖母晚病手足痺不能舉渡惡或時汚牀蓆賢母
躬抱持洗滌飲食必執匙筯以進久而不懈祖姑心
德其所為每私祝曰吾苦孫媳無以報願汝有子有
婦咸若汝之孝敬賢母有知能遇女妹及族人親戚
皆有恩祖姑及舅姑卒相夫奉養喪于內外粗細指
畫綜理皆有方略既而家浸盛生四丈夫子長各有
才智好學母訓以禮義忠厚尤得母道及處士早世

諸子長娶婦生孫一聽賢母之教遂相與合食不分
財異爨作先祠置祭器以奉祖考家庭之間出內有
法長幼有倫遇人有惠待賓客有禮于是賢母遠邇
皆稱焉初元季無政大家以貲結長吏田之租稅俾
小民佃者代輸里正因而漁利每畝徵米四升小民
以為病會賢母家為里正催民租稅命減其半不足
寧出己粟以輸鄉閭貧弱賴以不困洪武初寧海及
鄰縣饑里中富人以麥貸貧乏者每麥一斗償穀二
斗三升時賢母家有穀數廩召諸子謂曰饑者眾而
吾家幸有餘安忍乘時取倍蓰之息若等無效他人
宜減息一斗以為鄉率于是長子遵母意與諸弟行
之又白于縣請禁多取息以病民者數百里內貸麥
者利其息少競奔走焉咸歎息以為童母恩已母好
施予孤弱不能自守者給以錢粟不責其償為之娶
婦使成家業如是者二十餘人人或告饑推食以與
之遇人有急度其事可解屬諸子為解之後或背負
絕不與較至不義事戒莫近於不可者戒弗為其揣
料世事明遠雖丈夫弗逮也家人婢僕人人察其饑
飽苦樂與其才性所宜無有怨者今年幾八十子婦
及諸孫婦男女數十人曾孫七八人奉養祇順不敢
違果若祖姑所祝名人修士往來者皆致拜而去

毛彥清妻葉氏

按處州府志葉氏毛彥清妻長子三歲次在孕姑老
彥清好武出遊荆襄值元季兵亂莫知所之葉日夜
奉姑撫子無不周至每以荆花榮茂事諭二子曰兄
弟和氣則家道昌大二子遂順母教克和厥家五世
同爨

李宗長側室陳氏

按廣東通志陳氏新會李宗長側室也宗長生男女四人而陳氏無出宗長夫婦既卒值元季亂陳乃收世系契券攜子女備于鄉以餬其口明初稍復業數十百租皆陳掌之無所失其女請奮田笑曰汝先人無遺命妾敢自擅耶每宴集輒出主客客辭以太貶曰吾豈有坐次于堂上也其子與人博陳屢痛哭臨之博徒爲之勸告其子曰與汝共博戲如汝母何子亦感悟病將死囑曰斂我布母綺紉奠我廬下母于正寢瘞我老孺人墓側毋高我封于我足矣嗚呼謹名分辨上下春秋之法也小人之所以侵君子妾婦之所以制其夫者冠履倒置上下之分亡也陳氏豈知書者故可以風世矣

蔡女官

按番禺縣志蔡氏邑人少有淑質通判傅洪武二十四年間其孝敬選入官擢爲女官因名其父碧山弟祖道詣闕賜宴俱授錦衣衛鎮撫資以幣復其家

姚振玉妻陸氏

按常熟縣志陸氏姚振玉妻玉早亡陸教二子榛鶴讀書務農以成家翁伯善爲給事中永樂中采木沒於全州陸命榛鶴函骨歸葬有鄰婦寡而無子爲衣食之既死棺葬之人皆以賢孝稱焉年九十一卒

呂九思妻俞氏

按新昌縣志俞氏呂九思妻九思遠宦逾三十年俞氏家居奉養舅姑易裝奩爲甘旨費既買山營葬置祭田以供蘋蘩訓側室子同於己出九思槩不問焉

王伯壘妻張氏

按寧波府志張氏名相字敬助餘姚人父雲航有隱德善識鑒每奇其女教之經義適慈溪王明白子伯壘爲金溪令有能聲雲航嘗囑其女曰得甥當告我舉首子以告視之曰來矣名之曰來再舉子再告之曰復來矣名之曰復既以第三甥告曰亦足與兄鼎足而立名之曰鼎來復同舉宣德丙午孝廉來爲工部尚書復舉進士爲刑部主事鼎爲御史終廣東僉事張封太夫人相夫教子一以古人爲法金溪歿氏每以敬妻之言助諸子大書日新二字於書齋在官邸每手書箴訓諄諄以竭忠報主和僚友迪子姓爲規終不及其他來征湖貴時手製汗衫遺之云非爲汝不足於此使汝知我尚健庶得安心王事不以我老爲念耳及凱還戒以毋自矜伐以全居美之道其手澤至今子孫寶焉

吳叙茲妻溫氏

按金溪縣志溫氏小字蘭娘厚山吳叙茲妻叙茲意於學蘭娘數諫不聽引刀自斷其指不言亦不泣姑覺詰其故答曰嬉遊夫之過也指父母之遺也斷指而言是損親之遺以沽名且益彰夫過也妾曷敢焉由是敘茲勤學有成

金湖妻余氏

按武昌府志余氏嘉魚人少保金湖妻性敏惠克贊大業莊皇后聞其賢召進內殿親賜採桑衣一襲金剪桑僅各一事余因謂湖曰公力竭矣主上眷遇無以加矣嘗聞古大臣知止足而戒盛滿公蓋乘時自引去保有完名公改容謝遂上疏乞骸骨歸

陳邦達妻冷氏

按寧州志冷氏高市陳邦達妻幼通孝經治家有法戒諸子去奢從儉論出粟濟饑民地爲義塚以葬孤窮之無歸者年七十有四卒大學士張東白爲作墓誌銘

王一光妻俞氏

按婺源縣志俞氏名瑞鳳三都余希文女適鄉賓王一光王家故饒而氏恒持儉素一光謙和長厚氏又以醇謹佐之故家日裕譽益隆光慷慨好施如輪義田典家塾焚券建橋等事不一而足要皆氏贊襄之力也誨子以正勿令驕惰皆能以忠厚相傳王氏世德蓋有自焉

張員妻徐氏

按紹興府志徐氏餘姚張員妻番陽進士徐勉女能讀書鼓琴爲詩歌員亦有奇節愛義好施家素豐後乃不給徐未嘗以貧苦嬰情與員終日靜坐橫琴一彈三嘆有遺世之想其姑老年被疾徐扶持起臥不少怠菽水得姑歡心姑每曰吾食久然得今日母子熙熙而忘憂者婦之力也

馮蘭妻解氏

按高陽縣志解氏吏部郎中馮蘭妻稽勳員外郎寶之仲女幼聰慧閑雅父母愛之爲擇壻得蘭年十九舉鄉試解年十五歸蘭未及旬姑亡事舅及繼姑得其歡心處三小姑如同胞馮固里之巨室同爨不減百口解氏居其間能睦睦雖戚遇之有恩義門以內無少長貴賤皆愛重之相夫子隨事致勸戒每夜讀必候于側或挾女事以其共勤九重賓祭禮蘭

友至必喜爲具食留之俾盡款曲歲時獻饗務底精腆至自奉則粗衣糲食一無所擇聞管語人曰吾居官治家幸無大過者實內助之力

臨泉王妃邊氏

按博野縣志邊氏邊甫聖之女弘治中以淑德選爲臨泉王妃

程珣妻侯氏

按博野縣志侯氏程珣妻孝養舅姑敬順夫子撫育諸庶及從叔幼孤不異己子凡所行事無不循理卒封上谷郡君

曹尚賓妻趙氏

按續隆平縣志趙氏曹尚賓妻氏性淳厚善事翁姑姑死餘婦幼趙獨養其翁竭力致豐潔並撫其幼叔翁感泣對人稱不置口年二十無出勸夫納妾弗聽泣訴其意於翁翁感其誠亦爲下淚乃命納秦氏生二子珍理趙愛若己出與秦終二十年無間言秦喪其父母貧委曲代爲之養並養其兄及姪夫亦不禁翁亡諸叔諸婦好爭趙密恤其貧者俾睦如初子珍早爲諸生夫亡教次子理學亦入泮邑有兵變鄰里慕其賢共護之竟免於難年七十一終二子奉遺訓兄弟同居

李琰妻邊氏

按定州志邊氏定州人李琰妻家法嚴肅教二子詩溥讀書晝至夜分恐其或倦呼置左右陪以紡績二子益勤勵聯登仕籍所在郡邑俱有旌表

王之繡妻楊氏

按鉅鹿縣志楊氏副都憲賢甫女蔚州刺史王化行

子之繡妻幼嫻內則通列女傳富而能勤貴而能儉綉幕自好一切家事不以累夫俾專志于學翁姑暮年得子比見婦俱已篤老氏供滌灑燂醢罔不盡力無何先舅姑沒沒時猶諄諄以高堂風燭囑其夫

王國禎妻宋氏

按山西通志宋氏大叅王國禎妻封淑人歸禎盡婦道燈火佐讀履雪忘寒勉禎登第不御華飾訓子凝祚亦成進士猶躬執炊竈下鄰婦見之訝曰安有翟冠煌煌如斯者賢矣哉

王綢妻崔氏

按潞城縣志崔氏王綢妻父兄皆死節無後氏焚修祭掃終身不輟事翁姑盡孝佐夫勤儉教三子俱成立人稱賢母

孟養素妻吳氏

按武昌府志吳氏咸寧人太僕丞孟養素妻婦節母儀著聞閭里素壯歲艱嗣吳爲廣置姬妾晚乃得子應衡吳撫若己出未幾素歿吳撫恤諸姬嚴飭戚復門內肅然邑令劉世科表其門

倪岳妻盧氏

按江寧縣志盧氏名允貞布政盧雍女年十八歸倪文毅公岳當翁文信休致時文毅爲編修與盧歸省遇家回祿文信不樂氏盡出奩貲購室建大楹以紓其憂生子不育爲文毅置妾略無妒忌早卒贈夫人

余泰元妻胡氏

按婺源縣志胡氏名廷懷沱州余泰元妻清華胡文賓女性貞淑警敏知大義家貧克自勤儉相夫敬訓子嚴處姻娣和事舅姑膳必躬藥必嘗左右承志不

少違逮姑疾爲禱天割臂肉啖姑事聞縣令旌表何鎮寧妻陳氏

按新昌縣志陳氏諸生何鎮寧妻開靜仁慈事姑曲盡孝道敬延師傅訓子以孝友勤儉爲務居家謹飭未嘗見其笑語鄰里困乏多方周恤不自以爲德鄉黨咸頌之

劉寬繼室童氏

按甌寧縣志童氏名順指揮使劉寬繼室性淑慎賢明寬卒子銀尚幼前妻子盡有其產或謂宜直之於官氏曰彰子之過以傷至情不可乃攜子銀依弟訓以居辛苦操持幾三十年銀既成立時遣歸掃先塋以修兄弟之好人稱其賢

胡瓚母武氏

按永年縣志武氏尚書胡瓚母封太淑人瓚父文舉精理學每讀書至夜分鷄鳴即起氏紡績與共相得歡甚督諸子曰汝父力學而顯命也汝學未至而遽委諸命可乎子夜篝燈誦讀聲不絕乃喜稍懈則竟日不憚由是諸子俱有成仲瓚少登第自行入爲御史當封文舉弗受瓚請於母母曰御史諫諍爲職吾見汝爲御史直言無諱即無忝所生鳥用翟弗乃爲光也文舉齋志太學舍氏受封淑人每朔望呼諸子婦至庭訓之曰無替若父教瓚數歷中外爲名臣母教之也

崇莊王妃成氏

按汝寧府志成氏光州人崇莊王妃也父允弼任經歷妃性貞淑寡言笑習閨儀選入藩誕一子二女莊王性行端嚴妃贊襄有道德復至孝祖姑靖妃李氏

患目疾妃親視之目遂明姑恭妃王氏疾篤妃親供湯藥衣不解帶祈天請代比薨水漿不入口者三日及莊王薨哀毀踰禮時歸德王遺腹生懷慶崇慶二郡王皆妾媵所出妃皆曲為撫育宗室有貧乏之不能喪葬及嫁娶者捐粟帛調之兼脫簪珥為姻費母儀淑慎雖古之賢妃無以過也

劉澄印妻張氏

按濟南府志張氏萊蕪人州同知劉澄印妻年十七歸劉事翁姑篤孝印病奉湯藥幾忘寢食印父以印病欲其廢儒業氏並不欲病痊醫珥衣被為束脩燈火資尋得入泮姑病泣禱願以長子代姑愈而子果死印父沒遺命捐田八百畝以贍族時印已窘之氏力勸行之以成父志三子一庶出析產以肥讓庶出子諸子俱為庠生孫十七人張年八十餘卒

陳維垣妻焦氏

按山西通志焦氏陳維垣妻維垣淫於錢氏圖逐氏而娶錢焦氏誓死不去亦不近夫但侍姑左右供飲饌而已未幾竟被垣害賢淑孝行人共憐之學使者題其墓

劉常吉妻龍氏

按長沙府志龍氏湘鄉人適鹽運同知劉常吉吉任關中攝監田縣事子象賢方幼龍氏摩其頂謂常吉曰君為民父母不當如妾之拊兒耶民受子愛之惠即如此子之戀我也常吉肅然謝之在邑賢聲大著為上官所薦擢已而常吉病亡龍氏扶輿歷關山之險歸葬於鄉哀勞成疾執象賢手泣曰汝早丁孤兄弟不可據其勉自樹立母以施報相準而薄所親毋

急榮利而辱於進取毋令後人無食言已遂卒象賢長於祖母曾得計借銓司懸應仕授之不就里居撫群從為婦友修族譜揮金排難一奉母教

楊中正妻陳氏

按崇仁縣志陳氏楊中正妻年十八歸楊累生弗育捐首飾置妾數歲亦無出適媒婦攜一女來氏諗其資性醇謹復收之踰年遂生一子名奎氏撫如己出後中正歿氏所生女求食田氏曰楊氏軍民二差恐汝弟弗能支卒無所與雖奎屢勸亦不聽年八十卒

陳說模妻李氏

按寧州志李氏陳說模妻散官九思之女歸陳克盡婦道說模艱于嗣為廣置媵妾生子二視如己出說模授上林苑監錄事沒于京邸李攜諸孤扶柩越數千里抵家無虞咸謂賢孝所致事寡姑章氏至孝賑荒周之賢行頗多有司屢表其閭卒年七十有六

狄星祥妻白氏

按溧陽縣志白氏康敏公昂孫女狄星祥妻狄世鼎貴媵儻多不習耕織白盡遣之事姑篤孝衣必親澣膳必親視所有一惟姑命不敢自私惟倦倦以善事大母訓諸子及媳夫亡義方教子尚勤儉好行其德不信禱祀輪租令其自斛贏即返之以子敬貴累贈恭人

陳獻策妻史氏

按溧陽縣志史氏都諫陳獻策妻金沙進士彌公姪女性寧靜不樂華侈年三十二陳任大行孺人力疾事舅姑家事悉委之側室夫亡子德慶舉孝廉史終身布衣蔬食坐臥一小樓雖僕婢不加聲色兩封孀

人年八十無疾而逝

謝平妻馮氏

按太平府志馮氏御史謝平妻平任福建副使尋巡陝西馮每以用刑失當為懼平信之始終憲節三十餘年矜恤慎審內助之力居多年八十封恭人

張灝妻薛氏

按蘇州府志薛氏名妙安長洲人張灝妻少敏慧甫笄喪母逾年喪父而弟妹皆幼薛哀痛中辦喪事盡禮歸灝事翁甚謹及事兩後姑皆曲盡婦道相顧以儉約處家教子治生之暇讀書誦史灝沒過時而悲遇父母忌日輒哀泣不食居常服動履儉衣襦環瑱終老無所易澣濯諸事毫髮不廢于婦勸止則曰吾以此遣日耳自宣德癸丑至嘉靖辛卯年九十九身歷八朝目擊四世郡守胡瓚宗顏其堂上其事于朝立人瑞坊以表之坊成北向拜謝無疾而終

汪之廣妻常氏

按碭山縣志常氏太學生汪之廣妻康生汪止善之母負性溫恭存心慈惠孀汪竭力持家事孝舅姑雖遇疾病猶必躬侍救水及析爨不改其素值歲大饑體翁姑意罄管珥代夫弟之海之盈之潘畢婚之海與妻俱天遺子性善甫四歲氏撫養成立人嫌其孤莫肯女焉氏懇其妹女為之婦夫無戾無亢夜勤紡緝伴夫讀書後為諸生有名氏止生一子輒勸夫多娶以廣宗祀其御妾有道妒忌不作實有樛木風視妾所生子與己所生均等無稍偏頗乳哺懷抱疾病顧復曲致其愛真以賢婦而兼慈母子止善康冠邑庠皆氏和熊畫荻之功也

李開來妻樊氏

按處州府志樊氏庠生李開來妻幽淑貞靜精女紅開文墨解吟咏事父母舅姑孝敬惟一母病衣不解帶者彌月母不起作痛母詩一絕夫授徒他郡姑病必親嘗藥餌不離左右居恆手無停絀又作勉夫詩一首所著有緣綺吟

鄭壽妻胡氏

按處州府志胡氏郡城人爲進士鄭公子壽繼室貞淑溫良動遵姆訓前室樊有子望齡側室黃有子舜齡俱在襁褓胡字之一如己出捧負提攜極其慈愛疾病痾癢必細爲體察二子亦忘其非胡出也及就外傳必考肄習幾何二子習軌迄有成立胡嘗謂黃曰爾飭廚吾抱哺各相得也黃甚德之壽末第胡已先逝壽心傷有奉倩之悲黃及二子歲時伏臘致奠楹間未嘗不涕泗嗚咽也

朱允光妻李氏

按處州府志李氏朱允光妻孝慈端靜貞順和平少失母事繼母克諧以孝處長幼問罔不輯睦及字朱姑性頗嚴氏事之唯謹歲時蒸嘗極致孝享琴瑟甚調勞動無愆生男五女四拮据婚嫁諸媳一凜閨教脫簪珥佐館穀膝下諸孫彬彬成譽氏蓋少時磨鍊困心衡慮所出故爲婦孝爲母慈敬順無違克家食報有以也

鄭讓妻李氏

按海鹽縣志李氏南莊先生女歸鄭讓生子延宇東谷朱祚云李氏以道義相夫爲善人以詩書勸子爲名士

王俊妻沈氏

按海鹽縣志沈氏指揮王俊妻教諸子曰不能爲儒則習一藝以自養每見紈袴子遇荒歲多死道路不可不戒後子軒妻黎氏三十孀居有婦節沈所化也

嚴大紀妻高氏

按餘杭縣志高氏誥封夫人太常寺卿嚴大紀妻也歸太常時姑已以高痛姑不逮養歲時祭祀泣數行下事舅執婦道惟謹事妾姑如其姑生子錫遂爲太常置側室得三男善撫之如己出恩慈而教嚴務成于遠大與太常相對無情容待諸媵以禮馭藏獲以恩而飭以威食不重味衣不重帛辨色而起丙夜不息人謂太常之居則爲孝爲義出則爲廉吏爲名卿策勵三子爲名士皆高夫人之助也

李志學妻高氏姊妹

按餘杭縣志高氏誥贈孺人長樂卿主簿高節女南京兵部車駕司郎中李志學妻也家素貧高盡脫簪珥椎布作苦佐之及成進士授婺源令甫蒞任而礦寇作焚掠攻城甚急高謂曰夫子命吏也義不得復顧家妾任舅姑事矣遂間道崎嶇山谷中晝伏夜行老稚獲全歸焉志學羈縶六年氏事姑嫜拮据供甘旨比志學事白由尉補令寧陵高隨任嚴局鎗傷賊獲防範內外嚴撫諸子竟以勞瘁卒於途志學傷之矢不再娶節謂曰藐孤無恃吾次女可以奉其常以撫爾孤志學從之遂復娶焉次女高年十六兩從宦京邸姑病夜侍湯藥親洗臉廁姑沒佐夫襄大事夫病無嗣顧天刳股迨沒貧無以爲殮哭踊欲絕傾囊殯葬事叔母陸如姑遇婦王不啻手足教子長庚長房

力學砥行無忝清白人咸頌二母之德云

趙榮妻金氏

按閩書司空趙榮妻金氏聰穎善柔閑內訓精女紅歸榮事姑謹姑遺疾顧天求代尋愈榮既貴顯入觀中官所得賜物必以分諸親舊榮染疾在告十有四年躬侍湯藥未嘗少懈榮卒哀毀成疾尋終

倪隆妻薛德

按閩書薛德倪隆妻初許字隆年及笄會翁嫗俱沒族人謀渴娶德持不可終翁嫗喪爲諸弟婚畢乃合昏年二十七矣勤儉惠和大有造於倪氏

王禮娘

按邵武府志王氏字禮娘都憲陳泰妻泰嘗司訓安慶王侍姑謝抵安慶謝忽嬰病醫藥不效泰刳股肉爲湯以進王焚香願天願減己算以增姑壽謝病尋愈泰居官廉甚王飭內外毫釐不苟以成其節有不足用出奩資佐之又以寬嚴相濟爲泰勸贊助良多時論賢之

章秀娘

按邵武府志章氏名秀娘王椿妻椿年十七足患瘋疾三載不能動履氏父章春出白金四十兩助王浼王族叔勸其罷婚椿父母謀曰此子終成痼疾恐誤此女誠許罷婚可也氏聞之晝夜涕泣徐告父母曰許婚方有疾女命所致又誰怨予聞好女不嫁二夫遂私自縊嫂覺救難父知志不可奪亦遲留未定父將終乃歸椿椿時病九劇不克行合巷氏勤執婦道略無怨於心一切藥食扶持皆躬親焉三載而椿疾愈氏復鬻簪奩裝勤紡績以資椿讀書爲博學聞人時

同府陸公勉推府朱公彩相繼延爲子姪師氏生二子長曰煜次曰焯初焯應貢以母年過八旬欲留終養母氏怒曰此非孝也予從幼教爾讀書入學爲明經願及我生前見爾冠帶一拜死且慰矣焯始北上領青陽訓阻倭寇未克還家甫二年思母遂乞歸迨歸奉浴灑僅二閱月而氏卒平生與人無長幼親疎一皆敬慎雖久不形嫌慢當其沒也無長幼親疎一皆哀慟亦久而不忘氏年八十有六孫枝蕃衍以爲食德之報云

鄭恭王妃王氏

按懷慶府志王妃鄭恭王妃武陟民天叙女恭王以建言獲罪妃與俱躬運薪水六十載隆慶初王復爵歸道經武陟命妃拜其家祠妃曰未謁慈姑先私父母非禮也比病亡王痛念之疏請贈爲繼妃章凡七上報可

程世昌繼室蘇氏

按光山縣志蘇氏中憲程世昌繼室有賢行姑吳性嚴毅氏奉命惟謹儉色承歡撫兩小姑遣嫁如禮吳臥病奉湯藥必先嘗侍牀幃衣不解帶者數月送終盡禮追贈恭人

高昇妻王氏

按濟南府志王氏高昇妻淄川人封刑部郎中王達女幼失母與弟崇義相依爲命弟就外傳歸輒令誦所受章句聽之能默識且曉大義互相勉勵及適高修婦事尤謹訓子以義方後仲孫舉成進士歷官巡撫弟崇義亦爲寧波太守

楊潤妻齊氏

按山西通志齊氏楊潤妻孝養舅姑撫育姪孫周濟貧乏施棺衾掩骼埋胔里中稱之年八十卒

孟齊卿妻郭氏

按汾西縣志郭氏孟齊卿妻事翁姑克盡婦道翁臥病數載不起氏晝夜奉湯藥躬執炊爨妾子四歲喪母撫愛一如己出鄉黨賢之

韓灼妻許氏

按陝西通志許氏韓灼妻西安咸寧人灼服賈兩淮常不歸氏事翁姑曲盡誠孝教子成名中國推爲女師

葉元善妻陶氏

按駱縣志陶氏鴻臚葉元善妻善微時氏紡績助養及善貴親操井臼有八子共三母撫之如一歲饑常以米粟週鄉鄰之不給者與夫俱享期頤子孫蕃衍

余懋衡妻江氏

按婺源縣志江氏名德芳南尚書余懋衡妻廣州府同知江朝陽女幼習女訓內則二南周易諸書歸余善事舅姑盡脫簪珥助夫入成均夫成進士令未新一清如水氏甘之如飴夫召爲御史疏罷天下礦稅上怒詔緹騎逮之人盡股慄氏無怖容徐而曰蹇蹇匪躬臣道也會有雷震之異上悟薄罰俸一年人賀更生氏亦無喜色夫按察劾稅墻梁末末懼賄賂役行蠱子鳴雷初聞報誓入秦死之氏止之曰至人無死地子姑待之已而得報果得解夫丁父艱子然苦塊不御酒肉者三年氏亦不以酒肉進不踰閫而相見性喜儉素終身椎髻青衫教子如嚴師有過必杖既貴且老祭祀必手親蘋藻極致豐潔嘗曰世人享

客豐而奉先非何其舛也語人子婦必勸孝語人妯娌必勸和以夫貴封孺人晉贈恭人

王賢繼妻李氏

按清河縣志李氏王賢繼妻謙繼母也氏所生子名義李愛謙撫養與義無二諱讀書好禮事母孝義嗜酒遊博不治生業母每嚴戒之一日義負資販於山東宮城爲惡少費遠苗廠誘破其資逆旅主人楊二驟諫之爲遠廠所殺適謙自家至宮求義遠廠欲脫禍遂懇謙因責弟殺主人官司拷訊謙誣服氏聞急奔赴陳告義生平無賴罪當坐謙乃得免有司嘉其事上聞旌表并義釋之

李養廉妻馬氏

按永年縣志馬氏李養廉妻進士李芳澹母養廉兄弟皆爲顯官惟廉不樂仕進氏與之偕隱荆布自甘事姑至孝相其夫教五子俱成立

劉尚卿妻孫氏

按永年縣志孫氏舉人劉慶孫母縣令尚卿妻天性儉朴治家有方黃昏燈火午夜雞聲教子誦讀不輟諸子恪遵禮法皆恂恂雅飭里中望而知爲劉氏子孫鏡鑑甲子同舉於鄉母責諸子曰自爾父登科四十餘年始見兩孫並捷吾豈不快但爾輩有舉人兒獨不令我有舉人子耶諸子益相淬礪迨庚午長子慶孫復領鄉薦母始驕然一笑每家燕諸子若孫濟濟里人靡不羨之

黃槐妻鄭氏

按延慶州志鄭氏黃槐妻夫病勞瘁女天喪子不肖家業蕩廢氏貧守素行一切悉爲身累終無怨言年

七十八卒

張蘭繼妻施氏

按嶧縣志施氏張蘭繼妻蘭先娶王氏生子時亨未週而王沒復娶氏鞠養時亨盡力後氏生子時泰與時亨俱出痘疹甚危氏焚香祝天願以泰易亨尋俱無恙凡衣服飲食獨厚亨慈愛終始如一亨長事母亦甚孝

杜豐妻王氏

按平遙縣志王氏杜豐妻性仁儉多才智治家有法好善喜施與從夫行軍益都為收贖登萊俘囚令骨肉完聚傾囊不恤嘗修各廟宇於文廟尤為盡力夫亡扶柩歸葬家罄井得泉甘冽異常常教子成人號保安居士

侯于甸妻霍氏

按遼州志霍氏侯于甸妻天姿奇敏通曉書數事舅姑盡婦職夫病六七載日數遺矢氏運滌無厭年四十無出勸夫納劉氏生二子愛如己出撫字教誨自幼及壯不少異遇事持大體接鄰婢妾老嫗皆以嫂呼之與劉氏克勤克儉終身糠粃不近紈綺子既仕迎養任所不改常度年八十五卒

冷逢泰妻葉氏

按四川總志葉氏州庠生葉桂芳女冷逢泰妻舉一子甫免懷即教以端方不率輒笞之一日子從外見縉紳者盛車馬過里門心異之急入告母且呼其名氏曰車馬何足榮以小子呼長者名彼雖不之聞爾則已慢矣遂鞭子背其嚴慎蓋如此泰病且久氏剝股以進須臾泰遂索湯粥州守鍾振旌其門年六十卒

卒

車以遵母羅氏

按寶慶府志羅氏金陵人邵陽車以遵生母大參任南祠部郎側室奉姑王甘旨必手調以進中夜候寢息聞鼾聲乃離側仲子以遵三歲失恃撫視如己出大參年六十告歸養氏助內出入唯謹三黨奉為閨範課子嚴戒無好名妄爭得失但學古明道則無失耳年六十忽命治衾服端坐而逝

王用衡妻羅氏

按崇仁縣志羅氏王用衡妻年十八歸用衡前妻遺三子幼謚甫半歲氏視如己出子多病日中思睡必脫簪珥抱之以順所欲十歲方離懷抱其愛長二子亦如之年七十卒人稱賢母

李在常妻吳氏

按崇仁縣志吳氏李在常妻生三子俱婚娶析爨在常復納妾生一子名勝宗四歲在常疾篤囑氏善撫之氏奉命與妾同處扶持調護一無間言後三子欲分其餘田氏曰汝父命也苟違之是我無夫汝輩無父矣秉義不同年八十四卒

王茂妻劉氏

按安福縣志劉氏王茂妻事繼姑以孝聞姑性于急而劉愉色婉容承順不倦家故貧紡績治生艱苦備嘗未聞交謫語尊師課子一簪一環盡為脩脯助鄰有弗舉火者輒節饗給以餉焉壽六十而卒

吳穎妻虞氏

按溧陽縣志虞氏太守吳穎妻年十九歸吳時家貧穎與弟頴析箸受田三畝歲不登氏以蠶鹽佐公讀

而以菽水承姑歡中外無間及穎授刑曹主政氏曰予固知君之優於政也雖然慎勿徇徇則難於自立慎勿亢亢則難於相安故自恤刑出知湖州皆有惠聲虞氏之助也年七十二卒

游泰亨繼室汪氏

按婺源縣志汪氏名辰章贈都御史游泰亨繼室廼峰汪武成女于歸時翁初喪姑俞垂白在堂氏敬養不以累二叔亨故貧好古文詞不問生產又遭回祿貧益甚饗煢苦不給氏以紡績佐之不色溫四乳舉五子亨亡家徒壁立七口相弔哀苦敗胃食常不下咽越十餘載伯子成進士官給諫板輿迎養封孺人不色喜仲季補諸生從諸名公講理學輒復欣然初給諫侃侃言天下事不忌後擢都御史贈恭人居家嚴肅性好施於孤寡貧窶尤加卹焉

游應乾妻張氏

按婺源縣志張氏名奇弟藍田張春茂女尚書游應乾再繼配也封淑人孝敬慈惠乾家故貧氏躬操井臼菽水務盡歡撫家子元潤不啻己出乾尋登第乞南署便迎養時舅姑俱八旬氏滌澣腆潔必親必虔舅姑未進匕箸不敢食伺二人安寢乃始宴息乾既歷通顯自持澹薄不異寒約乾宦轍所經仁澤覃洽居鄉厚親族賑貧乏皆氏贊助之力居多嘗捐資建上充橋置田五畝為修葺費行人永便舉丈夫子五人恩不廢戚恐其習驕僣課讀嚴切叔子元汴蚤登賢書李媳江氏遵氏家法惟謹乾為尚書沒京師僅季子元涇在側氏躬調湯藥治喪事獨極勞瘁踰數年涇病劇氏籲天請代割股療之未拜年涇已氏偕

媳江氏盡瘁撫孤孫終老

欽定古今圖書集成明倫彙編閩媛典

第二十六卷目錄

閩媛部列傳四

明二

任可容妻楊氏

顏從仕母游氏

大場農家婦

繆熊妻崔氏

汪用霖妻趙氏

王道充妻董氏

金光吳妻謝氏

江作樸母翟氏

張君思妻李氏

張寧母丁氏妻王氏附

屠應峻妻項氏

馮坤妻夏氏

徐禘妻章氏

郭堯乾妻徐氏

馬森妻任氏

金重寶妻陳氏

潘維城妻郭氏

張妙珠

繆某繼室葉氏

一鳳妻附郭氏

鄒衡妻上官氏

黃友立繼室林氏

葉世偉妻姚氏

程正己妻朱氏

廖俊妻黃氏

張元方妻方氏

傅念妻陳氏

王著妻彭氏

楊漣妻詹氏

汪汝和妻葉氏

孔母姚氏

殷尚禮妻潘氏

呂承麟妻何氏

許克溫妻林氏

宋端儀妻黃氏

宋儒母楊氏

王邵妻郭氏

韓彰繼室李氏

李時春妻趙氏

余開熙妻劉氏

申在廷妻蔣氏

申在廷繼室趙氏

史書昌妻閔氏

朱翊我妻于氏

孔一望繼室濮陽氏

戴新妻汪氏

劉若實妻阮氏

吳徽妻陸氏

盛可藩妻吳氏

張冲妻葉氏

徐本高妻王氏

歐陽精妻孔氏

冒起宗妻馬氏

李長策妻徐氏

湯本妻蔡氏

戚伸妻蕭氏

張泰妻斯氏

丁令金妻瞿氏

邵琳妻李氏

施堯佐妻童氏

許丕顯妻崔氏

夏迪母李氏

金玉章繼室欽氏

洪漆妻葉氏

陳妙善

楊應詒妻邵金

林姆思

周婦丘氏

蕭日照妻翟氏

林元魁妻陳氏

林以謨妻陳氏

危清娘

潘友娘

盧煩妻張氏

蔡玉卿

曾昌妻范氏

謝造妻劉氏

鄧光衛母游氏

石昇妻唐氏

王鹿洞妻高氏

林士登妻劉氏

嚴清妻施氏

閩媛典第二十六卷

閩媛部列傳四

明二

任可容妻楊氏

按安慶府志楊氏懷寧人大參任可容妻生而渾厚純靜其姊適張者至豪富每歸寧衣飾街麗輿從赫然楊則荆布操作而前母家頗以是分厚薄楊處之恬如也及可容貴張姨貧棄楊待之有加可容通籍後授京秩楊年始二十四即爲娶妾從宦自雷侍舅

姑後子國禎復貴每家燕伎樂陳前楊槩不觀及見人紡織輒歎坐達旦年七十餘尚自縫履封淑人八十八歲而卒

顏從仕母游氏

按安慶府志游氏懷寧人明經顏從仕母也端恪勤儉督諸子學無間昕夕諸婦晨起必整容問安否稍懈即教之以禮諸子過帷外游詢及必正襟稱名以對諸孫如銓部渾孝廉浩輩少就外傳父歸必令誦書所讀書苟遺亡即命跪同室數百指平居不聞人聲秉性慈和治家嚴肅故令畏敬如此年八十餘卒

大場農家婦

按蘇州府志大場農家婦失其姓氏舉止修整姿容肥佚家貧罄裝具佐夫日與里媼習田間勞苦無難色媼憐其勤執手慰藉則斂容謝曰兒家樂此不疲且非是無以奉舅姑也如是者十餘年竟以竭作故病瘵死死之前一日忽向其夫索筆視夫故不識一字即詣鄰家持至婦見歎曰謝此已久何期今日遂成長別耶起題一絕云當年二八過君家刺繡無心但續麻今日對君無別語免教兒女衣蘆花語意凄婉不愧風雅其生平曉義命雅自韜晦亦可矜矣

繆熊妻崔氏

按常熟縣志崔氏貢生繆熊妻生成化癸卯迄萬曆壬午年百歲神明未衰是夏階前有萱不植而生吐花極妍因開百歲觴闔里稱瑞又二年卒塋陳莊靖誌其墓略曰予聞侍母聞母道曩時事曰夫少孤貧子身來吾家曉寢夜燭甚苦時念吾姑孀孀憐之與俱還茅屋糲食怡如也今則有嫗笑其人寡人子者

吾事姑無敢失婦儀今則有目瞽瞍稽弗問所欲與所患苦者夫故豪不養生事吾銖寸累生產得誦粟以炊數椽以棲今則務飾容觀以靡簪不為終歲計者嗟吾仲子享之無怙也俾學于伯子吉久諸生如羈而享取一第如攜吾不為仲喜而為伯憫今仲舍吾去獨依伯以老吾不為仲思而以伯自慰吾之初生歲穰人和有旨亦間值寧有告饑不止如今日者自吾作婦庭無胥跡今持牒而呼者至矣所遭乃爾令人厭世顧須于世僅日一饘歲一絮而足彼勞生好積不厭者欲何為也子元吉年亦至九十二

汪用霖妻趙氏

按徐州志趙氏教授汪用霖妻廩生汪允醇母年二十續于汪甫數歲姑朱氏早亡與翁母李同寢食時李年七十有七氏奉養惟謹供姑遺像朝夕焚香瞻拜幼叔未娶氏勤紡織為畢婚事歲大饑悉出奩具佐公用分產以田宅之美者勸夫讓諸弟及霖秉鐸虞庠佐以廉潔處士為霖立石撫妾子卵翼撫恤不啻所生年六十九終

王道充妻董氏

按泗州志董氏王道充妻事姑孝為夫納妾生子叔道弘析居蕩產勸夫復與同爨叔亡出裝資嫁其女如已女人稱其賢

金光吳妻謝氏

按滁州志謝氏文林郎金光吳妻性純孝姑吳氏疾廢氏寢處侍湯藥夫為姑卜兆每購一地氏輒脫簪珥以成姪鑑早孤失乳以乳汁食已女專乳之得永叔氏一綫捐奩為姪琮及甥胡維城婦贖胡氏女

之流落者如此類事難以枚舉溫恭和下教子以義方後封孺人

江作楫繼母翟氏

按滁州志翟氏邑庠生江作楫繼母賢孝貞淑聲著大江南北詞賦家多傳之

張君恩妻李氏

按上杭縣志李氏邑隱士李春生女幼孝謹敏慧哭其母藍孺人累日弗食稍長益端好為大父莊大母羅孺人所憐重曰必以嫁士人而是時張君恩方在提抱言笑已自殊穎遇相者曰兒有貴徵父大本母饒孺人亦復心異之曰求子室必得賢孝者乃可君恩年十六舉郡諸生高等春生一見而心許之曰是始能婿吾女者越四五年而始成言以歸蓋兩家皆邑望姓又各異其子女不以漫許人人多求者故言久而後合孺人歸不修珠珥之飾不聞笑語之聲事舅姑如父母恭敬有常度舅乃大喜曰是真能儻吾子者平居操井臼其勤能下其家奴諸姑之屬而篤于宗姻慈其下人以比于其鄰無疾言違客肅如也

常以機杆縷績之務伴君恩課文恆至夜分君恩常以積思苦不寐者數月孺人亦不寐數月凡百憂喜罔不同之君恩年三十舉于鄉甫彌月而翁忽捐館舍孺人乃益傷悲曰何大人之不食其報也而日夜婉慰其姑太孺人曰有子可以仕無過傷哉甲午君恩及強仕矣負才美必以一第春官為艷孺人懷然語君恩曰恐吾姑之不逮祿也君恩不得已就除得山東青州郡理苦北海地寒遠獨以孺人俱無何而太孺人之訃至矣孺人投地擗踊曰吾姑能終事四

尊人拭巾捧匱而吾獨不逮視吾姑以終吾何以為婦也數絕而後起未幾君恩伯兄計又踵至奔以佐事能卒君恩之為人子為人弟者孺人之力也又三年而長子殤有遺孤婦戾不能為其母孺人且泣且諭日夜撫孤孫相弔殊苦服除君起補東粵廉州理

嬖然謝曰在青州吾能以吾夫清徙廉不能以吾夫廉耶北海雖與南海雖熱吾心一也此至民果有獻珠者孺人聞之曰先姑不能逮此而吾焚燹然以飾何以見先姑于地下汝必却之比行部則又語君恩曰凡行為大吏察吏民隱伏屑瑟而已得則大吏受其名不則汝承其禍喜事而裂寧畏事而完無以婦人之言怯也君恩欣然識之所至按吏事察絲俗稱廉平歸必謝曰孺人吾益友也比三年課最封制曰孺人恭慕縞之節贊羔絲之理稱賢助矣會內徵竟以中忌量移江以西貳守孺人悵然曰汝亦可以勸遊矣未幾致仕去踰年而孺人病不起以年六十終

張寧母丁氏

按海鹽縣志丁氏張寧母教子甚嚴寧以給事中使歸臨行出金錢與寧曰途中以此為費毋妄取妨官箴寧娶妻王氏尤敦尚儉約從寧守汀州有同官妻私會服飾多珍異既去語妾輩曰此婦好妝飾適彰夫醜耳不可慕之

屠應竣妻項氏

按嘉興縣志項氏襄毅公女孫歸屠康傳子論德應竣康倖捐館項孝事其姑姑嘗遺疾垂殆氏割股和羹以進病遂愈應竣受秩受封宜人生五子孟元仲

律仲行叔方叔章而夫亡氏竭意課子弗少姑息仲律釋褐春官令弋陽氏訓以事上忠臨下惠寧拙母巧罔驟家聲爲先人羞自後諸子入仕者咸遵是訓叔方暨孫謙後先成進士孟元以謙貴受封仲行子蒙叔章子大壯俱領鄉薦氏每泣曰我長汝父五年恨汝父不同一見也自幼至老動中矩矱子孫咸以爲式年八十餘疾作諸醫束手孫大壯密割股和粥食之得効

馮坤妻夏氏

按嘉興縣志夏氏秀水馮坤妻性莊潔慈儉克相夫子事翁姑以孝聞發居攻苦教其孫愛順以詩書丙夜以女紅相對一燈熒然膏盡始息雞鳴即促起率以爲常後孫爲萬曆丁丑南宮第一人

徐禘妻章氏

按蘭谿縣志章氏贈宜人徐禘妻用檢之嫡母也年十七歸徐踰十年無子因置蓮楊氏生用檢是時章產不育乃乳用檢或曰乳兒妨娠章曰若然不當以妨楊娠也用檢年七歲授書於塾每雞鳴章常擁兒被間誦書數十遍旦起爲櫛簪戒而遣之年十一就其仲父孝廉學一日思見母甚起請嗚咽疾趨歸而章已候兒屏間復爲櫛髮整衣履啖少果怡慰諭就館而已獨映門立使僮視兒誦如平時乃返然其教甚莊所簪兒角簪少損責之曰是簪吾畜之年久而汝壞之乎生平無刺語無露齒之笑事祖姑翁姑孝事夫敬治家勤而有理故內外悉服其賢年五十一而卒

郭堯乾妻徐氏

按蘭谿縣志徐氏禘之女郭堯乾妻夫性暴悍子復不循氏事夫婉委喜愠不形年六十二卒未嘗得半日之安萬曆十一年有司旌表

馬森妻任氏

按閩書任氏名琛恭敏公馬森妻幼慧受女紅輒精雖盛寒暑不廢里有數抵奇戲姊妹名之往觀對曰琛聞之越閭失度輟業失職非禮之事何觀焉固不住及既笄歸森森舉進士家名賀客有請歌舞爲驪者任曰姑曰森素約亦將有所樹耳聞之毋乃不安其姑命止之答莫不歎其賢森仕宦所至任課童蔣疏躬綢繆以儉佐廉所生二子曰熒曰變有言尚書家願以女女熒謝曰我家宦薄敢逆女高門乎後屬森之貧交道州大夫爲蹇修爲變納世尚書林公女曰匪以其盛爲清白耳倘天大吾後儀刑在茲所生四女爲治奮皆不及中人家每戒之曰吾昔嫁書生今汝輩公子同歸慎勿謂儉厚汝輩多矣變以蔭游太學貴游多其文雅或嘲其短於奕且不識曲笑曰奕少頗善之而老母碎其枰不敢復作絲竹亦老母所禁又安知曲也人以此益賢其母云

金重寶妻陳氏

按閩書封太安人陳氏廣東副使金時舒母也歸處士金重寶事繼姑盡孝姑嚴時加譴責罔不承順泉俗婦人既老多斷遺家事拜佛持齋惟陳氏巫覡師婆絕不得通夫之仲弟絕嗣臨歿託陳氏以孤女常不使離左右于歸時陳疾革矣正襟危坐教之婦道而後遣之壽九十一歲

潘維城妻郭氏

按閩書郭氏諸生潘維城妻方伯洙母也父立彥爲尚寶卿既歸城事舅孝謹事妾姑如其姑事夫之兄弟和而敬佐城讀書非城休不敢休城病郭已老尚侍榻寢累月少受文史無所不徹通最好太上感應篇古今格言下至本草通書亦經覽閱作詩示洙曰願子爲官廉以德殊勝斑衣舞老萊又云人生名利等秋葉惟許丹心照天地少從父京邸一能記當日朝政若嚴分宜張司馬王中丞陸錦衣始終成敗老而爲諸郎述之歷歷焉

張妙珠

按福寧州志張妙珠在坊高紀妻歸紀執婦道孝事姑婢睦處娣姒有賢譽中歲紀卒家貧艱苦萬狀克持門戶教諸孫讀書且戒曰人不讀書便虛生一世年七十二卒

繆某妻葉氏子一鳳妻郭氏附

按福安縣志葉元煥年十八歸繆某爲繼室撫三歲子一鳳憐愛備至不啻己出鳳克成名人賢其母母性好施好調人急有通租將出妻者止之出贖金使完聚壽九十八一鳳妻玉彩鹿斗郭柏女通孝經列女傳初不育勸夫置側室課子皆有成好施與鄰里貧婦米鹽多仰給焉獨厭齋僧見緇流行募輒斬而聞之卒年七十八鄉人論婦德必稱葉郭云

鄒衡妻上官氏

按太寧縣志上官氏和平望族貞順勤儉涉臘經傳適邑人鄒衡刻意教子力作以供束脩每夜課讀必至三更子應麟博皆登第封令人壽九十五終

黃友立繼室林氏

按龍溪縣志林氏東山黃友立繼至友立初娶王氏生子雲及一女而卒繼娶林氏生子榮登進士第爲御史封友立如其官及封林氏并追贈王氏俱孺人林有至性爲人恭慎慈惠視王氏所生子女無異己出王女嫁楊氏一日歸寧憶母哭不止林氏亦與偕哭雲徙居新村距東山十里許或報雲病時日已西輒往視之及見無大病乃歸曰吾今夜得安寢矣榮爲西川按察副使念母老乞歸時母年九十餘兒孫滿眼人謂母食德之報

葉世偉妻姚氏

按歸善縣志姚氏御史祥裔孫諸生津女也年十六歸葉世偉謹內行不苟言笑夫婦如賓客事舅姑孝謹比舅姑沒居喪甚哀祭奠必親治物家無饒產又沒于賊諸姑叔俱幼弱食指復繁姚悉簪珥以一身拮据其間并冠嫁娶無缺百口共炊無諍語者無子爲夫置勝恩撫有加夫中道歿哀毀幾絕強起立嗣終喪三年斬衰之服未嘗暫解雖在憂苦中猶善調護妯娌不使萌分析念用是焦勞成疾而卒平居稱未亡人坐斗室不越戶限者十年榻爲之穿常時以孝友誨人沒齒不變里人爲之語曰姚家慶緒乃鍾此女

程正己妻朱氏

按山西通志朱氏兵部侍郎程正己妻性端方操井臼躬紡績以供二親甘旨相夫力學弱冠成進士歷顯要氏未嘗有貴倨之色程忤璫禍且不測氏曰與楊左諸君同節亦可無媿程抱疾五年藥餌飲食必親及卒幾不欲生教子孫頗嚴家聲賴以不墜

廖俊妻黃氏

按武昌府志黃氏蒲圻廖俊妻性至孝事翁姑惟謹隨俊之漢州時趙臬方壁周冕張敬四人俱童稚氏知非庸兒爲縫紵衣服炊給飲食後果各躋顯仕子漢生方弱齡卽訓以大義撫諸子溫滂灑澍不啻己出

張元方妻方氏

按漢陽府志方氏漢川登仕佐郎張元方妻元方四十無子方每日與夫對泣不輟會有江西曾氏女勸納之生丈夫子七人仲子緒以明經魁全楚爲理學名家季子績貢薦于國諸子亦各自立至今張氏多賢皆方氏遺澤焉

傅念妻陳氏

按漢陽府志陳氏漢川明經傅念妻念艱于嗣陳通龍澤廣慈惠鞠養子恩勤教訓自壯至老不衰里人以爲儀表

王著妻彭氏

按漢陽府志彭氏漢川文林郎王著妻著領鄉薦彭二十年不育泣曰若此如王祀何力勸夫納二妾顏氏生光裕徐氏生光祚彭左提右挈撫愛無異己出比長皆不自知爲庶出也

楊連妻詹氏

按德安府志詹氏應山楊連妻事繼姑王氏以孝聞天啓壬戌秋姑病危告天祈祖請代不應禱于神到左股一轡進姑飲三飲而姑病大愈後八年姑沒連羅璫禍妾陳氏之子環甫週氏撫之如己子分析田產僕婢財物悉厚環諸子感義亦不欲校其第三子

之言妻余氏觀察女也亦讀書知禮遇妾子如姑教之讀書成名後封一品夫人

汪汝和妻葉氏

按婺源縣志葉氏名蘭芝外莊葉大挺女年十八歸坑口汪汝和和鮮兄弟體孱弱不甚篤學氏至脫套具延師課和終歲不數見和屢試不利而好行其德疎財濟乏氏益助之生子松七歲能文章氏曰是在此子復延師課之隆禮極至松垂髫舉博學弘詞爲大聞人皆母教也氏事舅姑素以孝聞及舅姑歿每逢節序思所嗜躬調以獻至老不倦年八十有四無病而終

孔母姚氏

按建德縣志姚氏父姚公有隱德誕氏時異光燭廬姚公筮之遇離之家人曰離火振振附物而章姚于家人輔登明堂作勞以榮實協黃裳氏少而柔惠女史內則略皆上口姚公奇愛之曰我不以與田舍兒也無何氏兄遊於雍見今相國孔公年十四大奇之歸語姚公姚公大喜遂委禽焉相國父困諸生家貧欲令相國從業姚公持之不可且時時出囊中資助相國遂以童子擢試京兆而姚公促辦裝遣女歸焉既廟見莊慎恭孝一宗皆頌其賢時翁薄蜀鄰水歸廉貧益甚氏勞苦操作以助于內相國教授于外得稍奉甘旨相國射策及第與其兄泰華同官翰林既貴矣氏粗糲如常或謂之氏曰我夫子爲天子侍臣志礪冰霜我豈敢以婦人敗若事且珠玉甘脆少所不習意不樂此也相國常齋諒氏從出國門蒼頭犯中貴道提赤棒捧所持篋篋裏有重貲可以相中發

之故稽敗絮而已中貴人嘆息去已已都城戒嚴諸命婦多說服選氏曰臣從君婦從夫獨往將安之命僕妾鑿三坎于庭以示必死氏敏而孝儉而知大體明年翁病相國歸養親視醫藥相國一食夫人亦一食相國不解帶三月夫人亦三月翁沒天子諭祭葬會葬者雲集氏供具無不治辦日無使觀禮者議也遂以此勤瘁而終年五十七相國晉師保加贈夫人女一人適金氏有母風子二人尚蒙尚萃賢而才夫人出也

殷尚禮妻潘氏

按合肥縣志潘氏殷尚禮妻事舅姑以孝事夫如對長上未嘗有怠容尚禮年六十患瘧潘侍湯藥彌月不解衣中夜潛起額天封股肉以進次日霍然

呂承麟妻何氏

按新昌縣志何氏大司馬鑑孫女大司馬呂光洵孫廣東高州同知承麟室也事孀姑曲盡孝道隨夫任閩粵決政一由內助撫妾子友蘭金蘭蘭方數月生母氏九憐之勝於己出至長婚娶析產與所生子銓並均焉族黨稱其有古淑女風誥封宜人以壽終

許克溫妻林氏

按閩書林氏許克溫妻姑歿事舅盡婦道男年老衰邁左右扶持如護嬰兒朱教諭叔明居隔一壁經年不聞其聲人咸服之

宋端儀妻黃氏

按閩書黃氏宋端儀妻端儀提學廣東欲往謁陳文恭於新會安人出所手成二幣上端儀將之曰此婦

所自治非虛物也及端儀沒于官同官憫其貧有欲其粥生徒以治具者安人曰如之何其賊人之子以羞其夫也宋雖貧乏可家於喪耶

宋儒母楊氏

按末年縣志楊氏舉人宋儒嫡母氏天性慈仁生子傑妾趙氏生儒楊愛之如己出傑娶王氏夫婦並忌儒害之百端楊曲為防護無頃刻離左右儒得全後傑官于閩全家客死儒傾己產扶柩歸葬忘其宿怨楊氏所教也

王邵妻郭氏

按保德州志郭氏翰林院簡討王邵妻崇禎戊辰流賊王嘉印據府谷窺保德邵同州人死守氏脫簪珥摘師又嘗傾奩命子建永濟橋

韓彰繼室李氏

按陽曲縣志李氏推官韓彰繼妻彰先娶張氏生子紹繼娶李生子絃李氏遇紹有恩凡衣服飲食先紹後絃遇紹之子女亦加于絃絃微見愠氏叱曰若有母而彼無母欲使我作閨氏婦耶恩養始終不衰後絃登進士兩典州郡

李時春妻趙氏

按延慶州志趙氏李時春妻無子勸夫娶妾生子撫育教讀如己出母亡浼夫築小室迎父供養間寢食不懈里人稱賢

余開熙妻劉氏

按武昌府志劉氏蒲圻人余開熙妻少歸余奉翁姑極孝性嚴靜足不踰閭辛勤操作佐夫成進士及官京師溫清一委于氏嘗樽節簞簋遠致京師以助夫

清節

申在廷妻蔣氏

按祁陽縣志蔣氏祁陽申大參在廷妻陽山尉應春女春幼識大參為寧聲許聘焉及歸不惜所有厚其奩蔣生不解人世窮苦事及為婦卸簪珥却綺羅從姑親井竈夜篝燈伴作饑寒不告明年小姑歸妹期迫力不能辦蔣曰婦嫁未一年諸所需皆備可用以遺妹廷曰非所冀也蔣嘆曰夫知為妹乎固妾姑也諸妝飾服玩厄孟盤棄一無吝宗黨稱焉伯妯亡兒女莫愛蔣育之踰己出衣食悉周之廷應試蔣為割路費伯再聘會廷第得坊金始為畢娶蔣十年中饋翁姑妯娌童僕親鄰知與不知咸稱趙孝婦及卒親疎無不懷惻後廷為貴陽考成以覃恩贈恭人

申在廷繼室趙氏

按祁陽縣志趙氏大參申在廷繼室封恭人在廷少艱于嗣前妻蔣生子不育長女適邵登雲及蔣沒趙猶及事翁姑孝養備至生子耆翼妾梅氏生于某未週趙復生翹梅所生子不育即就乳翹趙尤憐之越二年梅生翹趙育之過于己子趙相夫中饋蘋蘩不辭勞動偶晨割豚作肉餅翹問曰母割阿堵物痛乎母曰癡兒几上肉何痛翹復問割人必痛何也母曰生人非死肉比趙以語廷廷大奇之趙以諸子漸長夫性狷介祿薄恐累清操自引身歸田勤儉擇持延師教子廷以是無內顧憂及出守貴陽廷欲不往趙勸之往謂曰嘗聞君言王陽孝子王尊忠臣今何畏而逃位遂起相夫宦貴陽廷知幹事將不靖固遣趙歸趙每西向啼曰吾幸脫羅剎鬼國如夫子何趙育

四子皆克家長着明經次翼次翔由邑庠入國學晚得翀成進士捧檄爲母壽女一適貢士曾三春趙年八十餘姻黨稱之

史書昌妻閔氏

按饒州府志閔氏史書昌妻諸生閔翼明女也翼明理學名儒持躬端肅故閔氏幼嫻禮儀言笑無苟年十五適書昌事姑惟謹姑病坐臥不離以孝聞夫婦相敬如賓恆以德業相迪書昌學篤行修良由閔之內助昌沒撫諸孤以嚴燃膏繼晷督課不少懈後子登第官翰林即馳書都下曰汝受史職毋以七寸管蟻人後改授諫垣假歸復誡曰汝爲官毋以三寸舌陷人皆赫然典策語晚膺象服之榮而儉約不殊寒素平生戒殺造次言動必循古禮壽八十乃卒

朱翊我妻子氏

按饒州府志于氏朱翊我妻及并歸我我世祿之家氏勤執女紅事姑以孝聞姑疾躬侍湯藥及卒啜粥飲水盡哀居家嚴整教二子各授一經皆克馳聲藝苑後遭兵荒二子相繼死履困如亨人稱賢母

孔一望繼室濮陽氏

按高淳縣志濮陽氏諸生孔一望繼室事姑盡孝撫前室遺孤應長若己出己生應叢應震衣食不使先兄及析產長腴而叢震瘠年八十一子孫林林焉

戴新妻汪氏

按婺源縣志汪氏名愛答莒徑人清華庠生戴新妻新恂恂長者不慕浮華氏亦甘淡泊無愠新以爲得賢助也生子思孝方童齡氏教督若嚴師卒能立名砥節爲世儒宗氏沒後思孝終身哀慕嘗肄業於雲

巖之翠微軒燈殘睡熟山房火發殘及其身夢母起之而免每遭厄難母輒示靈異

劉若實妻阮氏

按安慶府志阮氏懷寧人鴻臚丞劉若實妻父邵武守自華禱嶽而生婉婉貞靜少通論語孝經凡內典過目即能開誦父手較書甚多氏因勿讀微言大義契若夙聞及既長適劉恪祇勤儉上承舅姑旁及娣姒下撫甥姪咸悅而安焉嘗侍若實讀性理曰太極圖是無字楞嚴西銘是減字華嚴父聞之以爲得己所未發性懺惻視奴婢如兒女終身不形怒色至老猶躬自除地常引陶淵明訓子之言曰此亦人子也可善視之家不畜猫每曰人窮則竊鼠窮則嚙非得已也諸室內俱備穀以飼鼠其性固如此

吳檄妻陸氏

按桐城縣志陸氏參政吳檄妻儉而有禮子自峒舉孝廉邑令饋白金十兩陸問出里甲否答曰分祿乃許受之自峒登第陸已封淑人年七十朝夕進見肅若朝典諸婦雖蒼艾猶侍側焉

盛可藩妻吳氏

按桐城縣志吳氏戶部郎盛可藩妻通政吳自峒女溫柔淑慎平居不妄語笑佐可藩主計通州代牙籌至漏盡不倦里人以爲賢年七十餘卒

張冲妻葉氏

按長洲縣志葉氏吳江汾湖世族張冲妻冲無子勸冲納良淑廣嗣得武林許氏舉三子一女葉親育之懷抱勝于所生遇微恙輒焦勞爲廢飲食諸子女不自知非葉出也

徐本高妻王氏

按松江府志王氏錦衣徐有慶子太子太傅左都督本高妻太倉大學士文肅公錫爵女孫繡修衡女也性敏毅嗜書史能明大義其內齋嘗書一聯云金閨文作市玉匣氣成虹及從本高宦京師一切奏章文牒咸經手裁天啓中逆奄秉政金吾競奔其門有欲于馴象所建奄生祠氏聞謂本高曰此真冰山也不可遂以地隘拒之奄怒削職罷歸夫妻怡然就道崇禎初召本高還掌鎮撫司印管街道應督太子太傅左都督氏封一品夫人所得俸新輒勸本高散贈族人曰同爲宗祖之裔我家以冢子襲職邀榮何可不可使長幼諸從輩均被皇恩也自是歲以爲常年四十六卒

歐陽精妻孔氏

按蕭縣志孔氏昭女歐陽精妻年四十無子勸夫納媵生子以延宗祀夫遲疑未決遂毅然捐釵釧衣物爲之歐陽氏賴以不絕

冒起宗妻馬氏

按如皋縣志馬氏憲副冒起宗妻幼嫻內則驍大義年十七歸宗事祖姑沙氏曲得其歡沙病革氏衣不解帶爲之調湯藥濯潤逾百餘日不倦事舅姑亦如之人咸稱孝婦宗由行人遷南考功出爲兗西高肇衡水道所至皆廉潔氏實佐理之及監左軍南軍于襄陽時獻賊張甚襄漢陷危或諷之以病辭氏不可曰君素以忠貞自矢奈何爲苟免計乎叱駭行至軍殫力王事踰年得請歸氏相與撫松採藥終其身及宗沒撫育幼子益加愛養年八十有七無疾而逝子